

Naqqiut

13. maaji 2019-imeersoq allakkiaq akissutitut taarserpaa

Inatsisip nr. 262, 16. marts 2016 ilanngunnissaannut, selskab-it inatsisaata, inuussutissarsiatigalugu suliffeqarfutilinnut inatsisaata, inuussutissarsiatigalugu fond-it inatsisaata, inatsisillu tamalaat (Piginnittuiit nalunaarsornissaat eqquunneqarnissaanut) allanngortinnissaat anguniarlugit Naalakkersuisut, Danmark-ip Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Partii Naleqqamit Inatsisartunut ilaasortaatitai)

Akissutitut allakkiaq

(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Siullermeernera

Inatsisartut aalajangiiffigisassaattut siunnersummiik tassannga saqqummiussinerannut Partii Naleqqami Inatsisartunut ilaasortaatitat Naalakkersuisut qutsavigaat.

Inuussutissarsiornermut Aqutsisoqarfimmi (Erhvervsstyrelsimi) piginnittuiit pillugit paasissutissanik nalunaarsuisarnermut kikkuunerinillu tamanut saqqummiussarnermut inatsisaasut Kalaallit Nunaannut atuutsilernissaat Naalakkersuisunut pingaarlenartuutitatut anguniagaavoq. Akileraartarnermut paasissutissat paarlaateqatigiittarneri pillugit nunat tamalaani suleqatigiinnermi, ilaatigut OECD-p ataani Global Forumimi Kalaallit Nunaat peqataasarloq. Tassunga atatillugu piginnittuiit pillugit Kalaallit Nunaannut ingerlatseqatigiiffinnut inatsisaasuni malittarisassiat aalajangersarsimanissaat pisariaqarluinnarpoq.

Aasap ingerlanerani Inuussutissarsiornermut ministerimut (Erhvervsminister) Naalakkersuisut saaffiginnissimapput.

Tamatumannga malitsitaasutut suliniummut suleqatigiinnik Inuussutissarsiornermut Aqutsisoqarfik pilersitsisimavoq, taassumalu ingerlatseqatigiiffinnut inatsimmi, suliffeqarfifit inuussutissarsiummiik ingerlataqartut aalajangersimasut pillugit inatsimmi, inuussutissarsiorfinnut aningasaateqarfinnut inatsimmi, ukiumoortumik naatsorsuuserisarnermut inatsimmi aamma kukkunersiusarnermut inatsimmi allannguutinut

arlalinnut peqqussutissatut allaqqaakkanik piareersaallutik ingerlataqarput. Aggustip qaammataata naanerani Inuussutissarsiornermut Aqutsisoqarfimmit aallartitat Kalaallit Nunaannut tikeraarput, tamaani piginnittuiit pillugit paassisutissanik nalunaarsuisarneq kikkuunerinillu tamanut saqqummiussiarneq pillugu malittarisassat piviusunngortinnissaannut ingerlassamik paasisaqarniarlutik.

Ingerlatseqatigiiffinnut inatsimmi, suliffeqarfiit inuussutissarsiummik ingerlataqartut aalajangersimasut pillugit inatsimmi, inuussutissarsiorfinnut aningasaateqarfifinnut inatsimmi, ukiumoortumik naatsorsuuserisarnermut inatsimmi aamma kukkunersiuisarnermut inatsimmi allannguutinut Kalaallit Nunaannut atuutsilernissaannut peqqussutit piareersarnerinut Inuussutissarsiornermut Aqutsisoqarfiiup piffissalersuuta 2020-mi ukiakkut ataatsimiinnermi Inatsisartut oqaaseqarfiginissaanut piareersimaffeqarpooq.

Kalaallit Nunaannut atuuttumik inatsisaasunik ataqtigiaartunik pilersitsiniarluni aningasaateqarfifit aamma peqatigiiffit aalajangersimasut pillugit inatsisaasuni allannguutit kingullerpaat pinngitsuugassaanngitsutut Kalaallit Nunaannut aamma atuutsilertariaqarput.

Taamaattumik aningasaateqarfinnik suliassaqarfimmi akisussaassuumut Inatsisink atuutsitsinermut Ministereqarfimmut (Justitsministereqarfik) saaffiginnittoqarsimavoq, taamaalilluni piginnittut pillugit nalunaarsuisarnermut kikkuunerinillu tamanut saqqummiussiarnermut tunngatillugu katitikkatut inatsisaasut 2020-mi ukiakkut ataatsimiinnermi oqaluuserinerisa kingornatigut Kalaallit Nunaannut atuutsinneqalersinnaassammata.

Tamatuminnga tunngaveqarlutik siunnersuutip akuersissutiginissaa Naalakkersuisut inassutigaat.